


歌

詩

編

二





金板李賀歌詩編

卷三卷四  
本無外集

下冊



歌詩編第三

隴西李

賀長吉

追何謝銅雀妓

佳人一壺酒秋容滿千里石馬卧新煙憂來何所以  
歌聲且潜弄陵樹風自起長裾墜高臺淚眼看花机

送秦光祿北征

北虜膠堪折秋沙亂曉輦驕胡頓犯塞驕氣似橫霓  
灞水樓船渡營門細柳開將軍馳白馬豪彥騁雄材  
箭射攙搶落旗懸日月低榆稀山易見甲重馬頻嘶  
天遠星光没沙平草葉齊風吹雲路火雪汚玉關泥

賀三

一

屢斷呼韓頸曾燃董卓膺太常猶舊寵光祿是新階  
寶玦騏驎起銀壺拂臨帝桃花連馬發綵絮撲鞍來  
呵臂懸金斗當脣注玉壘清蘇和碎蠟紫膩卷浮盃  
虎鞞先蒙馬魚腸且斷犀趁趨西旅狗蹙頰北方奚  
守帳燃香暮看鷹永夜棲黃龍就別鏡青冢念陽臺  
周處長橋役侯調短弄哀錢塘階鳳羽正室臂鸞釵  
內子攀琪樹羌兒奏落梅今朝擎劔去何日刺蛟迴

酬荅二首

金魚公子夾衫長密裝腰鞞割玉方行處春風隨馬  
尾柳花偏打內家香



雍州二月海池春御水鷓鴣暖白蘋試問酒旗歌板  
地今朝誰是拗花人

畫角東城

河轉曙蕭蕭鷓鴣飛睥睨高帆長標越甸壁冷挂吳刀  
淡菜生寒日鮒魚濕白濤水花露抹額旗鼓夜迎潮  
謝秀才有妾縞練改從於人秀才引留之不

得後生感憶座人製詩朝謝賀復繼四首

誰知泥憶雲望斷梨花春荷絲楚機練竹葉剪花裙  
月明啼阿姊燈暗會良人也識君夫壻金魚挂在身  
銅鏡立青鸞燕脂拂紫綿鰓花弄暗粉眼尾淚侵寒

賀三

二

碧玉破瓜後瑤琴重撥絃今日非昔日何人敢正看  
洞庭思不禁蜂子採花心灰暖殘香炷髮冷青蟲簪  
夜遙燈焰短紅熟小屏深好作鴛鴦夢南城罷擣碓  
尋常輕宋玉今日嫁文鴛戟幹橫龍簾刀環倚桂牕  
邀人裁半袖端坐據胡牀淚濕紅輪重栖烏上井塘

昌谷讀書示巴童

蟲響燈光薄宵寒藥氣濃君憐垂翅客辛苦尚相從

巴童荅

巨鼻宜山褐虎眉入苦吟非君唱樂府誰識怨秋深

代崔家送客



行蓋柳煙下馬蹄白翩翩恐隨行處盡何忍重揚鞭

出城

雪下桂花稀啼鳥被彈歸關水乘驢影秦風帽帶垂  
入鄉誠萬里無印自堪悲卿卿忍相問鏡中雙淚姿

莫種樹

園中莫種樹種樹四時愁獨睡南牀月今秋似去秋

將發

東牀卷席罷漢落將行去秋白遙遙空月滿門前路

畫江潭苑四首

真苑曉蒼蒼宮衣水濺黃小驥紅粉薄騎馬珮珠長

路指臺城迴羅薰袴褶香行雲霑翠輦今日似襄王  
寶秣菊衣單蕉花密露寒水光蘭澤葉帶重剪刀錢  
角暖盤弓易靴長上馬難淚痕霑寢帳勻粉照金鞍  
剪翅小鷹斜緇根王鏃花鞦垂粧細粟箭箠釘文牙  
鬣鬣啼深竹鷓鴣老濕沙宮官燒蠟火飛燼汗鈿華  
十騎簇芙蓉容衣小隊紅練香燻宋鵲尋箭踏盧龍  
旗濕金鈴重霜乾玉鐙空今朝畫眉早不待景陽鍾

潞州張大宅病酒遇江使寄上十四兄

秋至昭關後當知趙國寒繫書隨短羽寫恨破長牋  
病客眠清曉踈桐墜綠鮮城鷓鴣啼粉堞軍吹墜蘆煙



岸幘褰紗幌枯塘卧折蓮木牕銀跡畫石蹬水痕錢  
旅酒侵愁肺離歌繞懦絃詩封兩條淚露折一枝蘭  
莎老沙雞泣松乾瓦獸殘覺騎燕地馬夢載楚溪船  
椒桂傾長席鱸魴斫玳筵豈能忘舊路江島滯佳年  
難忘曲 古詩有君家誠易知易知復難忘

夾道開洞門弱柳低畫戟簾影竹華起簫聲吹日色  
蜂語繞粧鏡拂娥學春碧亂繫丁香梢滿欄花向夕  
賈公問貴婚曲

朝衣不須長分花對袍縫嚶嚶白馬春滿腦黃金重  
金朝香氣苦珊瑚澁難枕且耍弄風人暖蒲沙上飲

賀三

四

鶯語踏簾鉤日虹屏中碧潘令在河陽無人死芳色  
夜飲長眠曲

觴酣出座東方高香橫半解星勞勞柳苑鴉啼公主  
醉薄露墜花蕙園氣玉轉濕絲牽曉水熟粉生香琅  
玕紫夜飲朝眠斷無事楚羅之幃卧皇子

王濬墓下作

人間無阿童猶唱水中龍白草侵煙死秋梨遶地紅  
古書平黑石神劔斷青銅耕勢魚龍起墳科馬鬣封  
菊花垂濕露棘逕卧乾蓬松柏愁香澁南原幾夜風

客遊



悲滿千里心日暖南山石不謁承明廬老作平原客  
四時別家廟三年去鄉國旅歌屢彈鋏歸問時裂帛

崇義里滯雨

落漠誰家子來感長安秋壯年抱羈恨夢泣生白頭  
瘦馬秣敗草雨沫飄寒溝南宮古簾暗濕景傳籤籌  
家山遠千里雲脚天東頭憂眠枕劔匣客帳夢封侯

馮小憐

灣頭見小憐請上琵琶絃破得春風恨今朝直幾錢  
裙垂竹葉帶鬢濕杏花煙玉冷紅絲重齊宮妾駕鞍

贈陳商

長安有男兒二十心已朽楞伽堆案前楚辭繫肘後  
人生有窮拙日暮聊飲酒祇今道已塞何必須白首  
淒淒陳述聖披褐鉏俎豆學爲堯舜文時人責衰偶  
柴門車轍凍日下榆影瘦黃昏訪我來苦節青陽皴  
太華五千仞劈地抽森秀旁古無寸尋一上憂牛斗  
公卿縱不憐寧能鑱吾口李生師太華大坐看白晝  
逢霜作樸檉得氣爲春柳禮節乃相去顛顛如芻狗  
風雪直齊壇墨組貫銅綬臣妾氣態間唯欲承箕箒  
天眼何時開古劔庸一吼

釣魚



秋水釣紅渠仙人待素書菱絲縈獨繭蒲米蟄雙魚  
斜竹垂清沼長綸貫碧虛餌懸春蜴蜥鉤墜小蟾蜍  
詹子情無限龍陽恨有餘爲看煙浦上楚女淚霑裾  
奉和二兄罷使遣歸延州

空留三尺劔不用一丸泥馬向沙場去人歸故國來  
留愁翻隴水喜酒瀝春灰錦帶休驚鴈羅衣尚鬪雞  
還吳已渺渺入郢莫淒淒自是桃李樹何畏不成蹊

荅贈

本作張公子曾名萼綠華沈香燻小象楊柳伴啼鴉  
露濕金泥冷盃闌玉樹斜琴堂沽酒客新買後園花

賀三

六

題趙生壁

大婦燃竹根中婦春玉屑冬暖十松枝日煙坐蒙滅  
木蘚青岡老石井水聲發曝背卧東亭桃花滿肌骨

感春

日暖白蕭條花悲北郭騷榆穿菜子眼柳斷舞兒腰  
上幕迎神鷺飛絲送百勞胡琴今日恨急語向檀槽

仙人

彈琴石壁上翻翻一仙人手持白鸞尾夜掃南山雲  
鹿飲寒澗下魚歸清海濱時時漢武帝書報桃花春

河陽歌



染羅衣秋藍難著色不是無心人爲作臺  
中誕城顏郎身已老惜許兩少年抽心似春草今日  
見銀牌今夜烏玉燕牛頭高一尺隔坐應相見日從  
東方來酒從東方轉觥船飲口紅蜜炬千枝爛

花遊曲并序

寒食日諸王妓遊賀入座因採梁簡文詩調賦花遊  
曲與妓彈唱

春柳南陌態冷花寒露姿今朝醉城外拂鏡濃掃眉  
煙濕愁車重紅油覆畫衣舞裙香不暖酒色上來遲

春書

朱城報春更漏轉光風催蘭吹小殿草細堪梳柳長  
如練卷衣秦帝掃粉趙燕日含畫幕蜂上羅薦平陽  
華塢河陽花縣越婦搯機吳蠶作繭菱汀繫帶荷塘  
倚扇江南有情塞北無恨

安樂宮

深井桐烏起尚復牽清水未盥邵陵王瓶中弄長翠  
新城安樂宮宮如鳳凰翅歌迴蠟板鳴大棺提壺使  
綠繁悲水曲茱萸別秋子

胡蝶飛

楊花撲帳春雲熱龜甲屏風醉眼纈東家胡蝶西家



飛白騎少年今日歸

梁公子

風彩出蕭家本是菖蒲花南塘蓮子熟洗馬走江沙  
御牋銀沫冷長簟鳳窠斜種柳營中暗題書賜館娃

牡丹種曲

蓮枝未長秦蘅老走馬馱金斲春草水灌香泥却月  
盆一夜綠房迎白曉美人醉語園中煙晚華已散蝶  
又闌梁王老去羅衣在拂袖風吹蜀國絃歸霞帔拖  
蜀帳昏媽紅落粉罷承恩檀郎謝女眠何處樓庭月  
明鷺夜語

賀三

後園鑿井

井上轆轤牀上轉水聲繁絲聲淺情若何荀奉犇城  
頭日長向城頭住一日作千年不須流下去

開愁歌筆下作

秋風吹地百草乾華容碧影生晚寒我當二十不得  
意一心愁射如梧桐衣如飛鷄馬如狗臨歧擊劍生  
銅吼旗亭下馬解秋衣請貫宜陽一壺酒壺中喚天  
雲不開白晝萬里閑淒迷主人勸我養心骨莫愛俗  
物相填狹

秦宮詩并序



漢人秦宮將軍梁冀之嬖奴也秦宮得寵內舍故以  
驕名大譟於人子撫舊而作長辭以馮子都之事相  
為對望又云昔有之詩

越羅衫袂迎春風玉刻騏驎香帶紅樓頭曲宴仙人  
語帳底吹笙香霧濃雲闌酒暖春茫茫花枝入簾白日  
長飛牕複道傳籌飲午夜銅盤膩燭黃禿衿小袖調  
鸚鵡紫繡麻霞踏哮虎斫桂燒金待曉筵白鹿清蘇  
夜半煮桐陰永巷調生馬內屋屏風生色畫開門爛  
用水衡錢卷起黃河向身瀉皇天厄運猶曾裂秦宮  
一生花裏活鸞篋奪得不還人醉卧甕能滿堂月

古鄴城童子謠効王粲曹操

鄴城中墓塵起將黑丸斫文吏棘為鞭虎為馬團團  
走鄴城下切玉劒射日弓獻何人奉相公扶轂來閣  
右兒香掃塗相公歸

楊生青花石硯歌

端州石工巧如神踏天磨刀割紫雲傭刈抱水含滿  
脣暗灑菴菴冷血痕紗帷晝暖墨花春輕漚漂沫松  
麝薰乾膩薄重立脚勻數寸光秋無日昏圓毫促點  
聲靜新孔硯寬頑何足云

房中思



新桂如娥眉秋風吹小綠行輪出門去玉鑿聲斷續  
月軒下風露曉庭自幽澁誰能事貞素卧對莎雞泣

石城曉

月落大堤上女垣棲鳥起細露濕團紅寒香解夜醉  
石子渡天河柳煙滿城曲上客留斷纓殘娥鬪雙綠  
春帳依微蟬翼羅橫茵突金隱躡花帳前輕絮鶴毛  
起欲說春心無所以

苦晝短

飛光飛光歡爾一杯酒吾不識青天高黃地厚唯見  
月寒日暖來煎人壽食龍則腓食蛙則瘦神君何在  
太一安有天東有若木下置銜燭龍吾將斬龍足  
嚼龍肉使之朝不得迴夜不得伏自然老者不死少  
者不哭何爲餌黃金吞白玉誰似任公子雲中騎碧  
驢劉徹茂陵多滯骨嬴政梓棺費鮑魚

章和二年中

雲蕭索田風拂拂稜芒如萁黍如粟關中父老百領  
襦關東吏人乏詬租健犢春耕土膏黑苜蒲叢叢沁  
水脉殷勤爲我下田租百錢携賞絲桐客遊春漫光  
塢花白野林散香神降席拜神得壽獻天子七星貫  
斷姮娥死



春歸昌谷

東駿方讀書謀身苦不早終軍未乘傳顏子鬢先老  
天誠信崇大矯上常怪怪逸日駢甘華羈心如茶蓼  
早雲二三月岑岫相顛倒誰揭頰玉盤東方發紅照  
春熱張鶴蓋兔目官槐小思焦面如病嘗膽腸似絞  
京國心爛漫夜夢歸家少發軔東門外天地皆浩浩  
青樹驪山頭花風滿秦道宮臺光錯落裝盡偏峯嶠  
細綠及團紅當路雜啼笑香氣下高廣鞍馬正華耀  
獨乘杆接車自覺少風調心曲語形影抵身焉足樂  
豈能脫負檐刻鶴曾無兆幽幽太華側老柏如建壽

賀

十一

龍皮相排戛翠羽更蕩掉驅趨委摧悴眺覽強容兒  
花蔓闕行軒轂煙暝深徼少健無所就入門愧家老  
聽講依大樹觀書臨曲沼知非出神虎甘作藏霧豹  
韓烏處矰繳湘儵在籠罩狹行無廓落壯士徒輕躁

昌谷詩五月二十七日作

昌谷五月稻細青滿平水遙巒相壓疊頰綠愁墮地  
光潔無秋絲涼曠吹浮媚竹香滿淒寂粉節塗生翠  
華髮垂恨鬢光露泣幽淚層團爛洞曲芳徑老紅醉  
攢蟲鏤古柳蟬子鳴高邃大帶委黃葛紫蒲交狹涘  
石錢差復藉厚葉皆蟠膩汰沙好平白立馬印青字



晚鱗自傲造瘦鵠鳴單跼嘹嘹濕蝓聲咽源驚濺起

紆綾王真路

近武后巡幸路

神娥蕙花裏苔絮縈澗礫山實

垂頰紫小柏儼重扇肥松突丹髓鳴流走響韻瓏秋

拖光毳鷲唱閔女歌瀑懸楚練帔風露滿笑眼駢巖

雜舒墜亂條迸石巔細頸喧島嵒日脚掃歸翳新雲

啓華閔謚謚厭夏光商風道清氣高眠服玉容燒桂

祀天几

谷與女山嶺阪相承山即蘭香神女上天處也遺几在焉

霧衣夜披拂眠

壇夢直粹待駕棲鸞老故宮椒壁圯

福昌宮在谷之東

鴻龍

數鈴響羈臣發涼思陰藤束朱鍵龍帳著魑魅碧錦帖花檉香衾事殘貴歌塵盡末年無絲長雲似珍壤

割繡段里俗祖風義隣凶不相忤没病無邪祀鮐皮

識仁惠卍角知覲恥縣省司刑官戶乏詬租吏竹藪

添墮簡石磯引紉餌溪灣轉水帶芭蕉傾蜀紙岑色

冕縠襟孤寡拂繁事泉樽陶宰酒月眉謝郎妓丁丁

幽鍾遠矯矯單飛至霞嚙般差峩危溜聲爭次淡蛾

流平碧薄月渺陰悴涼光入澗岸廓盡山中意漁童

下宵網霜禽竦煙翅潭鏡滑蛟涎浮珠噉魚戲風桐

搖匣瑟螢星錦城使柳綴長縹帶篁掉短笛吹石根

綠彩蘇蘆笋抽丹漬漂旋弄天影古檜挈雲臂愁目

微帳紅骨雲香蔓刺芑交平百井閑乘列千肆刺促



成幾人好學鴟夷子

銅駝悲

落魄三月罷長花去東家誰作送春曲洛岸悲銅駝  
橋南多馬客北山饒古人客飲盃中酒駝悲千萬春  
生世莫徒勞風吹盤上燭厭見桃株笑銅駝夜來哭

自昌谷到洛後問

九月大野白蒼岑踈秋門寒涼十月末露霰濛曉昏  
澹色結晝天心事填空雲道上千里風野竹蛇涎痕  
石爛東波聲雞叫清寒晨強行到東舍解馬投舊隣  
東家名瘳者鄉曲傳姓辛杖頭非飲酒吾請造其人  
始欲南去楚又將西適秦襄王與武帝各自流青春  
聞道蘭臺上宋玉無歸魂縑縹兩行字蟄蟲蠹秋芸  
為探秦臺意豈命余負薪

七月一日曉入太行

一夕遶山秋香露溘蒙蒙新橋倚雲阪候虫嘶露樸  
洛南今已遠越衾誰為熟石氣何淒淒老莎如短鋸

秋涼詩寄正字十二兄

閉門感秋風幽姿任契闊大夜生素空天地曠肅殺  
露光泣殘蕙蟲響連夜發戶寒寸輝薄迎風絳紗折  
題書古雲馥恨唱華容歇百日不相知花光變涼節



弟兄誰念慮  
牋翰既通達  
青袍度白馬  
草簡奏東闕  
夢中相聚笑  
覺見半牀月  
長思尋劇環  
亂憂抵覃葛

歌詩編第三



歌詩編第四

隴西李

賀長吉

艾如張

艾音义

錦襜綉褱襦強強飲啄哺爾雛隴東卧穉滿風雨  
莫逐良媒隴西去齊人織網如素空張在野田平碧  
中網絲漠漠無形影誤爾觸之傷首紅艾葉綠花誰  
剪刻中藏禍機不可測

上雲樂

飛香走紅滿天春花龍盤盤上紫雲三千宮女列金  
屋五十絃瑟海上聞天江碎碎銀沙路羸女機中斷

二十七

賀四

一

王

煙素斷煙素縫衣舞八月一日君前舞

巫山高

碧叢叢高插天大江翻瀾神曳煙楚魂尋夢風颺然  
曉嵐飛雨生苔錢瑤姬一去一千年丁香筇竹啼老  
猿古祠近月蟾桂寒椒花墜紅濕雲間

摩多樓子

玉塞去金人二萬四千里風吹沙作雲一時渡遼水  
天白水如綃甲絲雙串斷行行莫苦辛城月猶殘半  
曉氣朝煙上赳赳胡馬蹄行人聽水別隴上長東西

猛虎行 四言



長戈莫春強弩莫抨乳孫哺子教得生獍舉頭爲城  
掉尾爲旌東海黃公愁見夜行道逢騶虞牛哀不平  
何用尺刀壁上雷鳴泰山之下婦人哭聲官家有程  
吏不敢聽

日出行

白日下崑崙發光如舒絲徒照葵藿心不見遊子悲  
折折黃河曲日從中央轉暘谷耳曾聞若木眼不見  
柰爾鑠石胡爲銷人羿彎弓屬矢那不中足令久不  
得奔詎教晨光夕昏

苦篁調嘯引

請說軒轅在時事伶倫採竹二十四伶倫採之自崑  
丘軒轅詔遣中分作十二伶倫以之正音律軒轅以  
之調元氣當時黃帝上天時二十三管咸相隨唯留  
一管人間吹人間無德不能得此管沈埋虞舜祠

拂舞歌詞

吳娥聲絕天空雲閑徘徊門外滿車馬亦須生綠苔  
樽有烏程酒勸君千萬壽全勝漢武錦樓上曉望晴  
寒飲花露東方日不破天光無老時丹成作蛇棄白  
霧千年重化玉井土從蛇作土二千載吳堤綠草率  
季在背有八卦稱神仙邪鱗頑甲滑腥涎一本



夜坐吟

踏踏馬頭誰見過眼看北斗直天河西風羅幕生翠  
波鈿華笑妾顰青娥爲君起唱長相思簾外嚴霜皆  
倒飛明星爛爛東方暝紅霞稍出東南涯陸郎去矣  
乘班騅

篴篴引又曰公無渡河

公乎公乎提壺將馬如屈平沈湘不足慕徐衍入海  
誠爲愚公乎公乎牀有菅席盤有魚北里有賢兄東  
隣有小姑隴畝油油黍與葫瓦甌濁醪蟻浮浮黍可  
食醪可飲公乎公乎其奈居被髮奔流竟何如賢兄

賀四

三

小姑哭鳴鳴

平城下

飢寒平城下夜夜守明月玉劍無玉花海風斷鬚髮  
塞長連白空遙見漢旗紅青帳吹短笛煙霧濕畫龍  
日魄在城上依稀望城下風吹孤蓬起城中嘶瘦馬  
借問築城吏去關幾千里唯愁裹屍歸不惜倒戈死

江南弄

江中綠霧起涼波天上疊巘紅嗟峨水風浦雲生老  
竹渚暝蒲帆如一幅鱸魚千頭酒百斛酒中倒卧南  
山綠吳歎越吟未終曲江上團團帖寒玉



榮華樂一作東洛梁家謠

鳶肩公子二十餘齒編  
貝脣繳朱氣如虹蜺飲建  
瓠走馬夜歸叫嚴更徑穿複道遊椒房  
龙裘金玦雜花光  
玉堂調笑金樓子臺下戲學邯鄲唱  
口吟舌話稱女郎錦祛繡面漢帝旁  
得明珠十斛白壁一雙新詔垂金曳  
紫光煌煌馬如飛人如水九卿六官皆  
望履將迴日月先反掌欲作江河唯畫  
地峨峨虎冠上切雲竦劔晨趨凌紫氛  
繡段千尋貽阜隸黃金百鎰貺家臣  
十二門前張大宅晴春煙起連天碧  
金鋪綴日雜紅光銅龍齧環似爭力  
瑤姬疑醉卧芳席海素

賀四

四

籠牕空下隔丹穴取鳳充行庖纓纓如拳  
那足食金蟾呀呀蘭燭香軍裝武妓聲琅  
璫誰知花雨夜來過但見池臺春草長  
嘈嘈絃吹匝天開洪崖簫聲遶天來天長  
一矢貫雙虎雲弮絕聘聒旱雷亂袖交竿  
管兒舞吳音綠鳥學言語能教刻石平  
紫金解送刻毛寄新兔三皇皇后七貴人  
五十校尉二將軍當時飛去逐彩雲化作  
今日京華春

瑤華樂

穆天子走龍媒八轡冬瓏逐天迴五精掃地凝雲  
開高門左右日月環四方錯鏤稜層般舞霞垂尾長



盤珊江澄海淨神母顏施紅點翠照虞泉曳雲拖玉  
下崑山列布施如松張蓋如輪金風殿秋清明發春  
八蠻十乘轟如雲屯瓊鍾瑤席甘露文玄霜絳雪何  
足云薰梅染柳將贈君鈇華之水洗君骨與君相對  
作眞質

相勸酒

羲和騁六轡晝夜不曾閑彈鳥崦嵫竹杖馬蟠螭鞭  
蓐收旣斷翠柳青帝又造紅蘭堯舜至今萬萬歲數  
予將爲傾蓋閒青錢白壁買無端丈夫快意方爲歡  
臞髯臞熊何足云又會須鍾飲北海箕踞南山歌淫

賀

五

淫管悻悻橫波好送雕題金人生得意且如此何用  
強知元化心相勸酒終無輟伏願陛下鴻名絲不歇  
子孫綿如石上葛東長安車駢駢中有梁冀舊宅石  
崇故園

北中寒

一方黑照三方紫黃河水合魚龍死三尺木皮斷文  
理百石強車上河水霜花草上大如錢揮刀不入迷  
濛天爭滄海水飛凌喧山瀑無聲玉虹懸

梁臺古愁

梁王臺沼空中立天河之水夜飛入臺前闕玉作蛟



龍綠粉掃天愁露濕撞鍾飲酒行射天金虎蹙裘噴  
血班朝朝暮暮愁海翻長繩繫日樂當年芙蓉凝紅  
得秋色蘭臉引春啼脉脉蘆州客鴈報春來寥落野  
篁秋漫白

公無出門

天迷迷地密密能虺食人魂雪霜斷人骨嗾犬信信相  
索索舐掌偏宜佩蘭客帝遣乘軒灾自息玉星點劍  
黃金軛我雖跨馬大得還歷陽湖波大如山毒虬相  
視振金鐸狻猊猊猊吐甕涎鮑焦一世披草眠顏回  
十九鬚毛班顏回非血衰鮑焦不違天天畏遭銜齧

賀詩

六

所以致之然分明猶懼公不信公看呵壁書問天

神絃別曲

巫山小女隔雲別春風松花山上發綠蓋獨穿香逕  
歸白馬花竿前子子蜀江風澹水如羅墮蘭誰泛相  
經過南山桂樹爲君死雲衫殘污紅脂花

綠水辭

今宵好風月阿侯在何處爲有傾人色翻成足愁苦  
東湖採蓮葉南湖拔蒲根未持寄小姑且持感愁魂

沙路曲

柳臉半眠丞相樹珮馬釘鈴踏沙路斷燼遺香裊翠



煙燭騎鳴啼上天去帝家玉龍開九關帝前動笏移  
南山獨垂重印押千官金窠篆字紅屈盤沙路歸來  
聞好語旱火不光天下雨

上之回

上之回大旗喜懸紅雪撻鳳尾劔匣破舞蛟龍蚩尤  
死鼓蓬蓬天高度雷齊墜地地無驚煙海千里

高軒過韓愈皇甫湜見過因而命作

華裾織翠青如葱金環壓轡搖冬瓏馬蹄殷耳聲隆  
隆八門下馬氣如虹東京才子文章公二十八宿羅  
心宵九精照耀貫當中殿前作賦聲摩空筆補造化  
天無功庖眉書客感秋蓬誰知死草生華風我今垂  
翅附冥鴻他日不羞蛇作龍

賀四

七

貝宮夫人

丁丁海女弄金錢雀釵翹揭雙翅關六宮不語一生  
閑高懸銀榜照青山長眉凝綠幾千年清涼堪老鏡  
中鸞秋肌稍覺玉衣寒空光帖妥水如天

蘭香神女廟三月中作

古春年年在閑綠搖暖雲松香飛晚華柳渚舍日昏  
沙砌落紅滿石泉生水芹幽篁畫新粉蛾綠橫曉門  
弱蕙不勝露山秀愁空春舞珮剪鸞翼帳帶塗輕銀



蘭桂吹濃眉菱藕長莘莘看雨逢瑤姬乘舫值江君  
吹簫飲酒醉結綬金絲裙走天呵白鹿遊水鞭錦鱗  
密髮虛鬢飛膩頰凝花勻團鬢分蛛巢穠眉籠小脣  
弄蝶和輕妍風光怯罽身深幃金鴨冷奩鏡幽鳳塵  
踏霧乘嵐歸撼玉山上聞

送韋仁實兄弟入關

送客飲別酒千觴無赭顏何物最傷心馬首鳴金鏢  
野色浩無主秋明空曠閒坐來壯膽破斷目不能看  
行槐引西道青梢長攢攢韋郎好兄弟疊玉生文翰  
我在山上舍一畝蒿磽田夜雨叫租吏春聲暗交關

賀四

八

誰解念勞勞蒼突唯南山

洛陽城外別皇甫湜

洛陽吹別風龍門起斷煙冬樹束生澁晚紫凝華天  
單身野霜上疲馬飛蓬間凭軒一雙淚奉墜綠衣前

溪晚涼

白狐向月號山風秋寒掃雲留玉空石煙青濕白如  
幢銀灣曉轉流天東溪汀眠鷺夢征鴻輕連不語細  
游溶層岫迴岑複疊龍苦篁對客吟歌筒

官不來題皇甫湜先輩廳

官不來官庭秋老桐錯幹青龍愁書司曹佐走如牛



疊聲問佐官來否官不來門幽幽

長平箭頭歌

漆灰骨末丹水沙淒淒古血生銅花白翎金斨雨中  
盡直儂三脊殘狼牙我尋平原乘兩馬驛東石田蒿  
塢下風長日短星蕭蕭星旗雲濕懸空夜左魂右魄  
啼肌瘦酪瓶倒盡將羊炙蟲棲鴈病蘆筍紅迴風送  
客吹陰火訪古沈瀾收斷鏃折鋒赤墨曾封肉南陌  
東城馬上兒勸我將金換簦竹

江樓曲

樓前流水江陵道鯉魚風起芙蓉老曉釵催鬢語南

賀四

九

風抽帆歸來一日功鼉吟浦口飛梅兩竿頭酒旗換  
青苧蕭蕭浪白雲差池黃粉渾衫寄郎主新槽酒聲  
若無力南湖一頃菱花白眼前便有千里愁小玉開  
屏見山色

塞下曲

胡角引北風剽門白於水天含青海道城頭見千里  
露下旗濛濛寒金鳴夜刻蕃甲鎖蛇鱗馬嘶青塚白  
秋靜是旄頭沙遠席箕愁帳北天應盡河聲出塞流

淩絲上春機

玉甕汲水花桐井舊絲沈水如雲影美人懶態燕脂



愁春梭拋擲鳴高樓綵線結昔背複疊白袷玉郎寄  
桃葉爲君挑鸞作腰綬願君處處宜春酒

五粒小松歌并序

前謝秀才杜雲卿命予作五粒小松歌予以選書多  
事不治典實經十日聊道八句以當命意  
蛇子蛇孫龍蜿蜿新香幾粒洪崖飯綠波浸葉滿濃  
光細束龍髯絞刀剪主人壁上鋪州圖主人堂前多  
俗儒月明白露秋淚滴石筍溪雲肯寄書

塘上行

藕花涼露濕花缺藕根澁飛下雌鴛鴦塘水聲溘溘

賀四

十

呂將軍歌

呂將軍騎赤兔獨携大膽出秦門金粟堆邊哭陵樹  
北方逆氣汗青天劒龍夜叫將軍閑將軍振袖揮劒  
鏗玉闕朱城有門閣榼榼銀龜搖白馬傅粉女郎火  
旗下恒山鐵騎請金槍遙聞箴中花箭香西郊寒蓬  
葉如刺皇天新栽養神驥廡中高桁排蹇蹄飽食青  
芻飲白水圓蒼低迷蓋張地九州人事皆如此赤山  
秀鋌禦時英綠眼將軍會天意

休洗紅

休洗紅洗多紅色淺卿卿騁少年昨日殷橋見封侯



早歸來莫作絃上箭

神絃曲

西山日沒東山昏颼風吹馬馬踏雲畫絃素管聲淺  
繁花裙繚繚步秋塵桂葉刷風桂墜子青狸哭血寒  
狐死古壁彩虬金帖尾兩工騎入秋潭水百年老鴉  
成木魅笑聲碧火巢中起

野歌

亞翎羽箭山桑弓仰天射落銜蘆鴻麻衣黑肥衝北  
風帶酒日晚歌田中男兒屈窮心不窮枯榮不等嗔  
天公寒風又變爲春柳條條看即煙濛濛

賀四

五

神泣

女巫澆酒雲滿空玉爐炭火香萼萼寒雲山鬼來座  
中紙錢窸窣鳴颼風相思木帖金鳳鸞攢娥一隄重  
一彈呼星召鬼歆杯盤山魅食時人森寒終南日色  
低平灣神方長在有無閒神顛神喜師更顏送神萬  
騎還青山

將進酒

琉璃鍾琥珀濃小槽酒滴真珠紅烹龍炮鳳玉脂泣  
羅幃繡幕生香風吹龍笛擊鼉鼓皓齒歌細罽舞況  
是青春日將暮桃花亂落如紅雨勸君終日酩酊醉



酒不到劉伶墳上土

美人梳頭歌

西施曉夢綃帳寒香鬢墮髻半沈檀轆轤伊啞轉鳴  
玉驚起芙蓉睡新足雙鸞開鏡秋水光解鬢臨鏡立  
象牀一編香絲雲撒地玉釵落處無聲膩纖手却盤  
老鷄色翠滑寶釵替不得春風爛熳惱嬌慵十八鬢  
多無氣力粧成髮鬢歌不斜雲裾數步踏鴈沙背人  
不語向何處下堦自折櫻桃花

月漉漉篇

月漉漉波煙玉莎青桂花繁芙蓉別江木粉態袂羅

賀四

三

寒鴈羽鋪煙濕誰能看石帆乘舩鏡中入秋白鮮紅  
死水香蓮子齊挽菱隔歌袖絲刺眉銀泥

京城

驅馬出門意牢落長安心兩事誰向道自作秋風吟

官街鼓

曉聲隆隆催轉日暮聲隆隆呼月出漢城黃柳映新  
簾栢陵飛鷺埋香骨礎發千年日長白孝武秦王聽  
不得從君翠髮蘆花色獨共南山守中國幾迴天上  
葬神仙漏聲相將無斷緣

許公子鄭姬歌鄭園中作



許史世家外親貴宮錦千段買沉醉銅駝酒熟烘明  
膠古堤大柳煙中翠桂開客花名鄭袖入洛聞香鼎  
門口先將芍藥獻粧臺後解黃金大如斗莫愁簾中  
許合歡清絃十五爲君彈彈聲咽春弄君骨骨興牽  
人馬上鞍兩馬八蹄踏蘭苑情如合竹誰能見夜光  
玉枕棲鳳凰袷羅當門刺純綫長翻蜀紙卷明君轉  
角舍商破碧雲自從小靨來東道曲裏長眉人見少  
相如塚上生秋陌三秦誰是言情客蛾鬢醉眼拜諸  
宗爲謁王孫請曹植

新夏歌

賀四

十三

曉木千籠真蠟綵落帶枯香數分在陰枝拳牙卷縹  
昔長風迴氣扶葱龍野家麥畦上新壠長吟徘徊桑  
柘重刺香滿地菖蒲草雨梁鷺語悲身老三月搖揚  
入河道天濃地穠柳梳掃

題歸夢

長安風雨夜書客夢昌谷怡怡中堂笑小弟裁澗菘  
家門厚重意望我飢充腹勞勞一寸心燈花照魚目

經沙苑

野水泛長瀾官牙開小筏無人柳自春草渚鴛鴦暖  
晴嘶卧沙馬老去悲啼展今春還不歸塞嚶折翅鴈



出城別張又新酬李漢

一本文

李子別上國南山崆峒春不聞今夕鼓差慰煎情人  
趙壹賦命薄馬卿家業貧鄉書無所報紫巖生石雲  
長安玉桂國戟帶披侯門慘陰地自光寶馬踏曉昏  
臘春戲草苑玉輓鳴轆轤綠網緹金鈴霞卷清池澹  
開貫瀉蚨母買水防夏蠅時宜裂大袂劍客車盤茵  
小人如死灰心切生秋榛皇圖跨四海百姓拖長紳  
光明靄不斷罾龜徒甃銀吾將課禮樂聲調摩清新  
欲使十千歲帝道如飛神華實自蒼老流采長傾溢  
沒沒暗齧舌涕血不敢論今將下東道祭酒而別秦

賀四

古

六郡無勦兒長刀誰拭塵地里陽無正快馬遂服轅  
二子美年少調道調清渾譏笑斷冬夜家庭踈篠竿  
曙風起四方秋月當東懸賦詩面投擲悲哉不遇人  
此別定露臆越布先裁巾

歌詩編第四終





龍山先生為文章法六經尚竒語詩極精  
深體備諸家尤長於賀渾源劉京叔為龍  
山小集敘云古漆井苦夜長等詩雷翰林  
希顏麻徵君知幾諸公稱之以為全類李  
長吉亂後隱居海上教授郡侯諸子卑士  
先與余讀賀詩雖歷歷上口於義理未曉  
又從而開省之然恨不能盡其傳及龍山  
入燕吾友孫伯成從之學余繼起海上朝

賀詩後序一

夕侍側垂十五年詩之道頗得聞之嘗云  
五言之興始於漢而盛於魏雜體之變漸  
於晉而極於唐窮天地之大竭萬物之富  
幽之為鬼神明之為日月通天下之情盡  
天下之變悉歸於吟詠之微逮李長吉一  
出會古今竒語而臣妾之如千歲石床啼  
鬼工雄鷄一聲天下白之句詩家比之載  
鬼一車日中見斗洞庭明月一千里涼風




鴈啼天在水過楚辭遠甚又云賀之樂府  
觀其情狀若乾坤開闔萬彙泯泯神其變  
也歎駭人耶韓吏部一言為天下法悉力  
稱賀杜牧又詩之雄也極所推讓前敘已  
詳矣人雖欲為賀莫敢企之者蓋知之猶  
難行之愈難也至有博洽書傳而賀集不  
一過目為可惜也

雙溪中書君詩鳴於世得賀最深嘗與龍

賀詩後序二

山論詩及賀出所藏舊本乃司馬溫公物  
也然亦不無少異龍山因之校定且曰喜  
賀者尚少况其作者耶意欲刊行以廣其  
傳冀有知之者會病不起余與伯成緒其  
志而為之此書行學賀者多矣未必不發  
自吾龍山也丙辰秋日碣石趙衍題

龍山藏書



此書前經...

...



金刻李賀歌詩編四卷余去年  
得何義門手校者始知世有其  
書諸家藏書目未之載也何云  
碣石趙衍刊本每葉二十行二  
十字頃見是本正合其爲金刻  
無疑最後序文何校未錄但云  
龍山先生所藏舊本乃司馬溫

公物今觀全文語亦符合且可  
補何校所未備因急收之書之  
奇遇之巧無有過是者雖重  
直弗惜矣己巳中秋月復翁記

金劉仲尹字致君蓋州人有龍山集  
李獻能欽其外孫也義門語并記

壬申仲冬望日陸拙生獲觀于讀未見書齋并題簽以誌幸





圖書在版編目(CIP)數據

歌詩編 / [唐] 李賀撰. —北京: 北京圖書館出版社,  
2002.10

(中華再造善本)

ISBN 7-5013-1964-2

I. 歌… II. 李… III. 唐詩—選集 IV. I222.742

中國版本圖書館CIP數據核字(2002)第078579號

ISBN 7-5013-1964-2



9 787501 319640 >

書名 歌詩編(全二冊)  
著者 [唐]李賀撰

出版 北京圖書館出版社(100034 北京市西城區文津街七號)  
Tel: (010) 66126153 Fax: (010) 66174391  
E-mail: Btsfxb@publicf.nlc.gov.cn  
Website: www.nlcpress.com  
印刷 北京聯興盛業印刷有限公司

開本 八  
印張 十六  
版次 二〇〇二年十月第一版第一次印刷  
印數 一—五〇〇

書號 ISBN 7-5013-1964-2 / K·426







